

# Fortel om Rasmus Løland

**Suldalsforteljar legg vekt på ukjente tekstar.**

■ VIDAR ELIASSEN

Komande fredag vert det forteljarstund i kinosalen. Den suldalsbaserte forteljaren Anne Elisebeth Skogen skal presentere forfatterskapen til Rasmus Løland. Framsyrninga tek utgangspunkt i våren og sommaren 1870 då han var ni år gamal, og vekslar mellom opplevingane og tekstane han skreiv og korleis han sjølv opplevde desse tekstane. Sjølv om forfattere skreiv atskillig fleire bøker for vaksne enn han gjorde for barn er det primært barnelitteraturen som kjem til å få mest merksemd i kinosalen.

## Blanding

Enkelte meiner kanskje at ein har høyrte nok om Rasmus Løland etter fem år med Lølandmarkering.

Anne Elisebeth Skogen er ikkje einig.

– Han har skriva mykje spennande litteratur som ikkje har fått så mykje merksemd gjennom markeringa. Særleg det han skreiv etter utanlandsopphaldet i Alpane er spennande, seier ho.

Framsyrninga vert ein blanding av biografisk presentasjon og forteljing.

– I hovudsak vil eg fungere som forteljar, men i nokre sekvensar går eg ut av forteljarrolla og kommenterer. Dette vert gjort på ein tydeleg måte slik at det ikkje er til å misforstå, presiserer Skogen.

## God kjennskap

Ho vil mellom anna snakka litt om kva som gjorde Løland til ein så knakande god skribent.

– Han vart faktisk rettleia av Arne Garborg, og var derfor i gode hender, opplyser Skogen, som sjølv er gift med biografen til Rasmus

Løland, Ernst B. Drange, og har i så måte solid informasjon om den vidgjetne ryfylkeforfatteren.

## Gamal og ung

Den rutinerde forteljaren er oppteken av å levandegjere stoffet og strebar etter å framføre det med entusiasme.

– Dette er ikkje snakk om opplesing, men forteljing, slår Anne Elisebeth Skogen ettertrykkeleg fast.

Det er Saida folkebibliotek som er arrangør for forteljarstunda. Biblioteksjef Ingunn Kalvik meiner at framsyrninga høver for både gamal og ung.

– Alle elevane på mellomtrinnet, altså 5., 6. og 7. klasse, er invitert. Resten av plassane er for vaksne som har lyst til å kome, påpeikar biblioteksjefen.

vidar@ryfylke.net

**FORVENTNINGSFULL:** Anne Elisebeth Skogen ser fram til å fortelje om forfattere Rasmus Løland sitt liv og virke i kinosalen fredag. (Foto: Privat)

